



Inatsisartuni ilaasortaq Per Berthelsen, Siumut  
-/Maani

**FM-ikkut nassitsissutit atortunillu digitalinngorsaaniisaq pillugu § 37  
naapertorlugu apeqqummut akissut**

03. september 2012  
Sagsnr. 2012-071898  
Dok. Nr. 1002902

Asasara Per Berthelsen

Postboks 909  
3900 Nuuk

Nuup Kangerluani FM-ikkut nassitsisarneq pillugu apeqqtinnut qujanaq. Apeqqutitit tulleriillugit akineqarput.

Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

**1) Qanga Naalakkersuisut piumasaqaatigaat TELE-p KNR FM signalianik  
nassitsissutai analogiusut nassitsissutsinik digitaliusunik  
taarserneqassasut?**

FM-ikkut nassitsissutit stereo-FM-inngortinneqarnissaat Naalakkersuisut aalajangersimammata, aammalu FM-ikkut nassitsissutitoqqat pingaartumik taamaallaat mono-FM-imik ingerlatsisimammata, FM-ikkut nassitsissutit nassitsissutinik nutaanerusunik taarserneqarnissaat pisariaqalersimavoq. Matumanili FM-ikkut nassitsissutit digitaliusut eqqartorneqarnerat paatsooneruvoq, tassami FM-ikkut nassitsissutit sulii analogiupput. Tamanna pissutigalugu siammarterinermi atortut analoginiit digitalinut allanngortinneqarput. Tassalu DAB-mik (Digital Audio Broadcastning) atuilernissaq pillugu aalajangiisoqarsimanngilaq.

FM-ikkut nassitsissutit stereo-FM-inngortinneqarnissaat 2010-mi nassitsissutit analogiusut nassitsissutinik digitaliusunik taarserneqarnissaannik aalajangiinermut atatillugu Naalakkersuisunit aalajangerneqarpoq.

FM-ikkut aamma DVB-T-kkut nassiussanik atortut digitaliusut atorlugit illoqarfinnut nunaqarfinnullu siaruarterinermut atatillugu TELE-POST-ip nutserutit arlallit, soorlu DYEONE QING-imi aamma SAHO-mi, taamaallat nunaqarfinnut avatangiisunut atortut analogiusut atorlugit link-ikkut attaviliiniarluni ikkussuunneqarsimasut atorunnaarsittariaqarsimavai.

Aalajangersimalluinnartumik oqaatigalugu TELE-POST-ip siusinnerusukku FM-ikkut TV-kkullu nassitsisarnerata kingunerisaanik, aallakaatitat asimi, soorlu Qingami nutserut aqutigalugu Nuup Kangerluani tusaaneqarsinnaasimapput.

Tamatumanili siusinnerusukku signalit nunaqarfinnut avatangiisunut nassiunneqartarnerisa sunniutigisaat pineqarpoq, sumiiffimmut sullissinerpiaanani.

DVB-T pillugu Namminersorlutik Oqartussat TELE-POST-imut, ilaatigut FM aamma DVB-T pillugu isumaqatigiissusiorsimapput. Isumaqatigiissummi tassani illoqarfiit nunaqarfiillu pineqarput, aammalu illoqarfinni nunaqarfinnilu FM-radiukku

tigooqqaasinnaanerup qulakkeerneqarneratigut TELE-POST-ip isumaqatigiissut taanna naapertorlugu pisussaaffini naammassivai.

Innuttaasulli asimiinnerminni radiukkut tusarnaarsinnaanissamik kissaateqarnerat Naalackersuisut paasilluarpaat.

2012-imi upernaakkut ataatsimiinnermi imm. 55-ip suliarineqarneranut nangissutitut, mellembølgekkut nassitsissutaasimasunut, siusinnerusukkut KNR-radiup aallakaatitaanik nunami sumiiffinnut tamanut siaruarterissutaasimasunut taartaasinnaasut pillugit Naalackersuisut nassuiaasiorput.

## **2) Suut tunngavigalugit taarsersuinissaq aalajangerneqarpa?**

Matuma siuliani taaneqareersutut FM-ikkut nassitsissutit suli analogiupput, taakkulu nutarterneqarnerannut FM-ip stereo-nngorlugu tigooqarneqarsinnaanissaannik kissaateqarneq tunngavigineqarpoq.

Atortut digitaliusut atorlugit FN signalip siaruarterneqarnera pissutigalugu, nuutsissutit analogiusut matuma siuliani taaneqartut atorfissaarutsinneqarput, marloqiusamillu aallakaatitsisarnissaq, aammalu sakkortusaavinni inuilaamiittumi nukissiornermut saniatigut aningaasartuuterpassuit pinngitsoorniarlugit taakku TELE-POST-ip qamissimavai.

Tassalu TELE-POST ingerlatsinerup pitsaassusiata qaffasinnissaa qulakkeerniarlugu ingerlaavartumik atortunik taarsersuivoq, aammalu tamanna tunngavigalugu inuilaami sakkortusaaviit matuma siuliani taaneqartut qamiterneqarput.

## **3) FM-imik nassitsissutit digitalit analoginik taarseqqissagaluarpata qanoq akeqassava?**

Apeqqu 2-mut akissummi takuneqarsinnaasutut, inuilaami sakkortusaaviit taaneqartut matoqqarneqarneqarnerat ingerlaavartumik nutarterinerup ilagaa, taamaattumillu sakkortusaaviit taakku ammaqinneqarnissaat pilersaarutaanngilaq.

Inatsisartut 2012-imi ataatsimiinnerminni aalajangerput, mellembølgekkut nassitsissutitut, siusinnerusukkut KNR-radiup aallakaatitaanik nuna tamakkerlugu siaruarterisartunik taartaasinnaasunik misissueqqissaarniarlutik. Nassuiaat taanna suli naammassineqanngitsoq, mellembølgekkut nassitsissutitut taartissanik sanaartorerup aningaasaqarnermut sunniutissanik imaqqassaaq.

## **4) FM-imik nassitsissutit digitalinngortinneqarnissaat taassumalu kingunissai pillugit qanoq sukumiitigisumik innuttaasut ilisimatinneqarpat?**

Paasititsiniaanernik immikkut ittunik, soorlu nassitsissutit digitaliusut atulersinneqarnerani pisut assinginik aallartitsisoqanngilaq.

Nassitsissutitut digitaliusunut nuunnermi paasititsiniaanermik aallartitsinerup pissutaavoq, illoqarfinni nunaqarfinnilu innuttaasut amerlasuut DVB-T signalinik tigooqqaasinnaaniarlutik atortunik nutaanik pisisariaqarnerat. FM signalinik

tigooqqaasarneq allannguuteqartussaangimmat, paasititsiniaanermik ingerlatsinissaq pisariaqartinneqanngitsutut naliliiffigineqarpoq.

**5) Taarsersuineq pillugu paasissutissiineq pisimaguni suut aqutigalugit innuttaasunut paasissutissiisoqarpa?**

Akissut matuma siulianiittoq innersuussutigissavara.

Inussiarnersumik inuulluaqqusillunga

Jens B. Frederiksen